



# ARUBAANSE COURANT

## DIARIO ARUBANO

REDACCION Y SUBSCRIPCION TEL: 2116  
MANAGEMENT Y ANUNCIO TEL: 1116  
MANAGER: E. WOUTERS

DIARASON 20 DI OCTOBER 1965.

EDITA PA: ARUBAANSE DRUKKERIJ, UITGEVERS  
& PUBLICITEITS MIJ N.V.  
IMPRIMI PA: DRUKKERIJ "DE STAD"

## NA REPUBLICA DOMINICANA: EHERCITO A SER MANDA HAAF PA STOP ESTALLIDO DI VIOLENCIA

SANTO DOMINGO --UPI-- Trupanan di ehercito apoya pa tankinan a ser manda ayera nochi haaf pa pone fin na un estallido di violencia, y den cual un persona a perde su bida y dos otro a resulta herida.

Durante anochi nan a tende tironan, pero no tabatin lucha na gran escala.

Gobierno a declara cu e trupanan a ser manda haaf pa restaura orden despues di un choque entre sindicatonan di estibadornan rival. E lidernan pro comunista a afirma sin embargo, cu Forsanan Armada a trata di "provoca" e izquierdistanan, pero nan a apoya e revolucion di luna di april ultimo.

Hopi hoben, algun arma cu scopet y otro cu bomnan "Molotov" a cana den cayanan di Santo Domingo, den e zona cu tabata den poder di e rebeldenan durante e guerra civil. E estallido di violencia den haaf a cuminsa ayera tardi un' or y mei ora cu un grupo di ametralladoristanan a mata Jose L. Ramirez, secretario general di e Sindicato Independiente di Obrero nan Portuario (STAPI), a herida dos di e personanan cu tabata cune.

E secretario financiero di STAPI, Manuel Polanco, a declara cu esnan cu a mata Ramirez tabata miembronan di e Sindicato rival, PASI. E tiroteo a prolonga den e zona di haaf te cinc' or di atardi.

Capitan Jose Tejeda Mirabal, di Polis Nacional, a manda trupanan

ne zona pa pone fin ne choque entre e sindicatonan. Yegando elnan nan a tira riba un grupo di hobennan cu tabata den zona di forti Ozama, cu tabata den poder di e rebeldenan "constitucionalista" durante algun luna despues di e revolucion di april ultimo.

Antonio Duver, lider di e grupo procomunista "Catorce de Julio" a declara cu e tiroteo tabata un tentativa pa parti di e trupanan pa "provoca e juventud revolucionaria", pero a adverti e hobennan izquierdista pa nan no tuma ningun decision di antemano. 7.30 di anochi cinco tanki y cinco truck carga cu trupanan a drenta den e zona portuaria. Gobierno a bisa cu e trupanan a ser manda ne haaf "pa mantene orden, en vista di e conflicto di e dos sindicatonan portuario.

E comunicado di gobierno di aye ra nochi ta bisa u manjan nan lo realiza un reunion pa busca un solucion ne conflicto sindical. Nan ta tumando medidanan di seguridad den e zona portuaria pa evita incidentenan nobo cu por perjudica e negociacionnan entre e sindicatonan.

E forti Ozama, den e capital aki,

Testigunan di e incidente a bisa cu trupanan di infanteria di Forza Aerea cu tabata ne forti ei, como consecuencia di e choque nan arma di ayera, a tira riba un grupo di civil, matando un empleado publico, Pedro Alejandro de Jesus di 25 anja, y herida e hoben Ondina Tavaréz di 18 anja na su pecho.

E hoben a ser hiba mes ora ne hospital Padre Bellini, na unda nan a saca un bala di fusil automatico, segun e cirujano cu a operé a informa.

Entre tanto e tension ta sigui aumenta den e zona antigua "constitucionalista" di e capital, a pesar di e promesanan oficial pa nan stop cu e tension aki. Trupanan di ehercito y forza aerea, apoya pa tankinan, a ser manda e haaf y e forti di Ozama como consecuencia di e choquen cu tabatin ayera, den cual un persona a muri y dos otro a resulta herida.

### 20 CASO DI POLIS A PRODUCI FLs. 305.-

ORANJESTAD - Un total di 20 casonan di polis a ser trata durante e ultimo sesion di corte den prome instancia.

Dieztres di e casonan aki tabata di personanan cu a haci nan mes culpable na buracheria publico.

E suma total cu a ser duna na boet pa e 20 casonan aki a monta na Fls. 305.-.

S  
a  
b  
o  
r  
  
d  
i  
  
t  
a  
b  
a  
c  
o  
r  
i  
c  
o

Frescura di Mentol



SALEM

ta refresca bo smaak

A  
d  
e  
m  
a  
s  
f  
i  
l  
t  
r  
o  
  
m  
o  
d  
e  
r  
n  
o

## BOET Y CASTIGU CONDICIONAL PA STROBA EMBARAZO

ORANJESTAD - Corte den prome instancia na Aruba a dicta sentencia di 1 luna di prison condicional c' un tempo di prueba di 2 anja y ademas un boet di Fls. 100,- of 20 dia sera contra e chauffeur A.R.K. di 26 anja.

Den luna di juli di e anja aki e hombre en cuestion a duna e dama A.K. pildoranan pa stroba embarazo di e dama.

E acusado a declara dilanti huez

cu el a cumpra e pildoranan aki for di un otro hende.

Prome cu huez a duna sentencia ya menciona, e fiscal a pidi un castigo di boet di Fls. 100,- of 20 dia sera.

**FATUM**

Pa tur bo aseguran  
Tel. 1845

## ACCIONNAN PA "ARUBA SHERATON" TA ACERCANDO 7 TON

ORANJESTAD - Diamars tambe tabata un dia basta bon pa e bendemento di accionnan pa yuda den e financzamento di e proyecto di "Aruba Sheraton" na Palm-beach.

Ayera un total di Fls. 27.000,- na accionnan a ser bendi cu comercio y particularnan.

E siguiente cifranan a keda registra.

Anna V. Croes Fls. 100,-; K. van

Meeteren Fls. 500,-; A. Bleau Fls. 1.000,-; Victoria Bottling Co. Fls. 3.000,-; Theo Werleman Fls. 1.000,-; Diversos Fls. 21.400,-.

Fls. 27.000,- a bini acerca di e Fls. 647.500,- cu tabata registra te cu dialuna atardi ta haci cu e suma total cu a ser bendi na accion te cu diamars atardi, ta awor Fls. 674.500,-.



SANTO DOMINGO -- UPI -- Demostrantenan a ataca un jeep di Radio Santo Domingo despues di entierro di e lider politico Angel Severo Cabral. Cabral a ser asesina diasabra ultimo y dos persona cu tabata cune a ser herida.

# EILANDSRAAD LO TRATA 2 PUNTO DIAHUEBS AWOR

ORANJESTAD - Mayan Eilandsraad di Aruba lo reuni den un reunion publico pa trata un programa cu ta consisti di 22 punto. Mayoria di e puntonan ta tocante e modificacionnan den e presupuestonan. Tambe ta para ariba e agenda e tratamiento di e correspondencia entre e territorio insular di Aruba y e consul general di Estados Unidos, Standard Oil Company of New Jersey y Lago Oil & Transport Company. Tocante e programa di lay-off forza di Lago. E correspondencia aki a tuma lugar den e lunanan januari y februari di e anja aki.

Dia 22 di januari e miembronan di Eilandsraad a acepta un mocion tocante e programa di lay-off di Lago.

Den e mocion aki a keda dicidi pa pone diferente instancia na altura di e programa menciona y principalmente riba e consecucionan desfavorable cu esaki por tin pa e isla. Den e tempo ey tanto I.O.W.U.A. como Eilandsraad a suplica pa Lago hiba un politica di lay-off mas suave.

Den su contestabestuurcollege ta menciona tocante e caso aki, cu despues di a ricibi e cartanan y telegramnan di e instancianan ya menciona, deliberacionnan a ser teni cu un delegacion di Lago, durante cual tur dos partido a duna nan grama di layoff forza di Lago mester worde para.

Lago sin embargo no kier a mara su mes na e deseo di Bestuurscollege, pero si a priminti, cu e lo haci tur posibel pa suaviza e consecucionan di e programa di layoff pa e comunidad Arubano. Esaki tabata un splicacion cu Bestuurscollege a duna riba e preguntanan cu algun miembro di eilandsraad a haci tocante e cuestion aki.

Manera ta conoci, Lago despues a introduci e programa di pension adelanta, di cual segun ta ser informa un canti-

punto di bista. Durante e deliberacion aki, segun Bestuurscollege, e lo mantene su punto di bista, cu e pro-

## H. JACOBS DEN COMISION DI PROPAGANDA "SHERATON"

ORANJESTAD - Sr. H. Jacobs, director di Aruba Commercial Bank a ser invita oficialmente pa tuma asiento den e comision di propaganda pa e emision di accionnan pa finanza e proyecto

di 500 empleado lo por haci uso.

Segun cifranan oficial te cu awor tin mas o menos 250 empleado cu a muestra interes pa e programa aki. Diferente empleado ya a bai cas cu e pension adelanta. Door di esaki practicamente lo no tabatin lay-off oficial na Lago desde januari februari ultimo.

Cifranan cu ta worde menciona ta: "dos of cuatro" empleado. Sin embargo nos no mester perde for di bista cu en comparacion cu anja pasa, actualmente tin 1.000 hende menos ta traha na Lago. Esaki a consecuencia di e programa di layoff forza di anja pasa y e programa di pension adelanta cu a cuminsa e anja aki.

## DOS BAPOR DI GUERRA MERICANO LO BISHITA ARUBA

ORANJESTAD - For di dia 29 di november och'or di mainta te cu 30 di november och'or di mainta e dos bapornan di guerra Mericano "USS York County" y "USS Plymouth" lo haci un bishita di rutina na Aruba.



E comandante di "USS York County" ta dr. R.P. Lenahan y e bapor ta conta cu 18 oficial y 175 tripulante.

Comandante di "USS Plymouth Rock" cu captain R.F. Woodall y e bapor aki ta conta cu 30 oficial y 325 tripulante.

Ademas a worde embarca 30 oficial y 600 tripulante di e "USS Marine Corps", parti riba e dos bapornan. E bishita di e dos bapornan aki pues lo ta pa un dia.

LA HABANA -- UPI -- E ministerio di relacionnan exterior a anuncia ayera noch cu Carl Warner, corresponsal di United Press International, tin orden di bandona territorio di Cuba.

Warner ta un di e grupo di periodistanan norteamericano cu a caba di yega Cuba pa informa riba exodo pa Merca.

E comunicado di e ministerio di relacionnan exterior ta describi Warner como "agente provocador tipico" y ta acuse di tin contacto cu e elementonan contrarevolucionario no identifica.

## HUEZ HOLLAND A APLAZA HUICIO DI JACK RUBY

DALLAS -- UPI -- Jack Ruby condena na morto pa asesinato di Lee Harvey Oswald, a presentase awe dilanti di un tribunal, bisti cu un traje maron y un herida na su lip, pa scucha un huez lesa su huicio.

E huez di distrito, Louis Holland di Texas, a concedi un peticion di aplazamiento di e defensa pasobra si e huicio cuminsa awe, e por perhudica considerablemente e derechonan di acusado. Nan no a duna fecha nobo.

Ruby ta den prison di condado di Dallas, for di 24 di november di 1963, dia cu ela tira Oswalds mata, e asesino di presidente John F. Kennedy. Si Oswald tabata na bida awe lo e la cumpli 26 aña.

Ruby, cu a ser condena na mor-

to dia 14 di maart di 1964, a bira loco den prison, segun un abogado.

Al parecer, e lesion na su lip a ser produci mientras e tabata feita. Awor e tin 55 aña i a perde algu di peso, pero fisicamente e tin e mes aspecto cu ora ela mata Oswald den sotano di e prison di e ciudad.

Na principio di aña, durante un comparencia dilanti tribunal, Ruby a declara cu su mente a "madura" den prison. Awe ela afirma cu e ta sintie mescos.

E fiscal, Henry Wade, a bisa cu e no ta obheta e peticion. Huez Holland a hasi cargo di e huicio despues cu huez Roe E. Brown a excusa su mes. Huez Brown ta scribiendo un buki riba e caso di Ruby.



## Het Bestuurscollege van het Eilandgebied Aruba

HET BESTUURSCOLLEGE VAN HET EILANDGEBIED ARUBA maakt bekend dat op 29 oktober 1965 om 11.00 uur v.m. een openbare aanbesteding wordt gehouden op het kantoor van het Hoofd van de Dienst Openbare Werken voor:

Het verbouwen van 2 lokalen van het politiebureau te Oranjestad, volgens bestek no. 14/1965 D.O.W.

Bestek en tekening zijn op voormeld kantoor verkrijgbaar tegen betaling van f. 5.-- per bestek. Restitutie f. 2,50 uitsluitend op de dag van aanbesteding.

## CHOKO PA FALTA DI PREFERENCIA

LAGO HEIGHTS - Dialuna mainta dos auto di famia a dal den otro na e skina Fortheuvel-St. Catherinestraat na Lago Heights, causando un danjo material di Fls. 1175,-. E choko ta debi na cu un di e chauffeurnan no a duna preferencia.

## AUTO A SUFRI DANJO DI PIEDRA

ORANJESTAD - Durante un pelea dialuna anochi den un bar na Oranjestad tabatin tiramento di botter y piedra. Undi e piedranan a bai dal un auto cu tabata pasando y a ocasiona algun danjo na e vehiculo.

## ACUSADO A SALI LIBER

ORANJESTAD - V.K., un cogedor di meter di 31 anja, a sali liber di e acusacion contra dje durante tratamento di su caso pa e corte den promer instancia. E homber aki a worde acusa cu dia 23 di mei ultimo el a corre su auto den Klipstraat, banda di Refresqueria La Estrella, mientras e tabata bau influencia di alcohol. E acusado sin embargo a declara cu na momento cu polis a hanje e no tabata maneha e auto y solamente tabata sinta den e auto.

Como cu no por a ser proba cu enberdad e acusado tabata maneha, e fiscal a pidi huez pa laga e acusado sali liber di e acusacion contra dje. Huez tabata di e mesun opinion y un rato despues e acusador por a bai cas, bau influencia di e decision di huez.

## WHITE HORSE OF COURSE!



WIRCO

## ASTHMA & BRONCHITIS

A quick easy way to combat difficult breathing, coughing, rattling and wheezing, due to recurring attacks of Bronchial Asthma and Bronchitis, is by taking fortified MENDACIO. Acts fast to combat allergy, relax bronchial tubes and help remove thick, congestive mucus. This usually eases breathing fast, allays coughing; thus promotes sounder sleep. Get MENDACIO at drugists. Let it help you.

## Nos Bida Social

Un caluroso felicitacion ta bai pa sr. Pedro van der Linden na ocasion di su cumpleaños, pa parti di su esposa Tina y su yiunan Agustin, Martha, Ana, Eddie, Edwin, Chitoe y Filomena. Tambe ta bin felicitacion di su dos nietanan y nieto, su sobrino y sobrinanan, di su mama y tata, du tur rumannan, comer y comparnan, suegornan, y sobrino Mario van der Linden na Hulanda. Por ultimo ta agrega nan felicitacion famianan Van der Linden, de Cuba, Valdez, Jacobs y Rijna.

A NACE:

Oct. 6: Ramsay Osbert, yiu homber di Angel Leonides Acosta y Evelina Peotista Wever.  
Oct. 10: Franklin Romano, yiu homber di Mariano Arends y Alwina Beata de Kort.  
Oct. 5: Josefa Teresita de Jesus, yiu muher di Antero Sanchez y Lucila Antonia Colina.  
Oct. 4: Luciana Marieta, yiu muher di Frans Bernardo Stamper y Invencion Alexita Henriquez.  
Sept. 30: Natalys Josefa, yiu

muher di Hugo Jose Garcia Maria Luisa Maduro.  
Oct. 7: Gino Scobie Arno Ma yiu homber di Ted Alphonse Dalrymple y Mary Georgine van Putten.

Oct. 4: Sandra Lea Monique yiu muher di Jacobo Alejandro Breel y Constance Euloge Eight Sept: 8: Marieta Imelda, yiu muher di Pedro Felix Brete y Imelda Lucrecia Dijkhoff.

Oct. 10: Franklin Giovanni, yiu homber di Joseph Giel y Thelma Natividad Martinus.

Sept. 29: Lucienne Giovanni, yiu homber di Elias Vrolijk y Isabel Felicia Roga.

PROXIMO MATRIMONIO: Jacobo Itrausquin di Seroe Preta (S. Nic.) y Luisa Juanita Stamp di Rool Master.

Rosimbo Webb di Balashi y Epifania Marciana Henriquez di Sibana.

A FALLECE:

Oct. 11: Gilberto Henricus, Pos Chiquito 23, naci na Aruba 37 anja.

## GRUA A PASA RIBA TRAHADOR

MAHUMA - Dialuna mainta un trahador cu tabata riba un grua kiera a baha un rato pa para tra-

## DOCTOR CABRAL A SER DERRA AYERA

SANTO DOMINGO -- UPI -- Awe gobierno provisional a declara como ilegal posesion di arma nan di fuego pa personanan no autorisa, como consecuencia di e asesinato di un dirigente politico di derecha, den e antiguo sector rebelde di e centro di Santo Domingo.

Ayera a ser derra restonan di doctor Angel Severo Cabral, kende a ser tira mata diasabra. Su esposa y su yiu muher a ser herida den e ataque. Cabral tabata miembro di Union Civica Nacional y ex-funcionario di gobierno.

Partidarionan di Cabral cu a asisti na e funeral, tabata grita "abau comunismo". Ademas nan a sende un jeep di e estacion di radio di gobierno na candela, a bati y a expulsa varios asistente na e ceremonia, acusandonan di ta comunista y a ataca un fotograaf di e diario izquierdista Patria.

Terroristanan cu no a ser identifica a metralia Radio Cristal, un estacion cu a apoya e causa rebelde durante guerra civil, y residencia di e minister di agricultura Silvestre Alba de Moya.



# LUNA DI OKTOBER LUNA DI KE LVINATOR

y tur e otro lunanan  
di 1965.



Na  
ocasion  
di nos 30 anja  
di jubileo como  
agente di KELVINATOR,  
nos ta presenta  
e campanja di mas  
grandi den historia.

Bo  
iyskast,  
wasmachien of stoof  
bjeeuw ta bal placa  
ora bo cumpra un  
*Kelvinator* nobo!!  
Cu e placa ey bo por  
regla bo pago inicial.



Servicio di 53 pida  
di regalo

Algun ventaha di  
tur e dos  
modelonan.

- \* E porta ta sera  
na yabi
- \* Baki pa berdura  
espacioso
- \* Compartimento  
pa manteca y  
keeshi.
- \* Freezer.


Solamente  
**Fls. 360,-**  
Cash

Model K60AT  
6 cb. ft. 170 liter  
5 anja di garantia  
riba e motor.

Solamente  
**Fls. 420,-**  
Cash

Model K77AT  
7.8 cb. ft. 221 liter.  
5 anja di garantia  
riba e motor.

**Masha  
Economico  
compartil!**



Servicio di 53 pida  
di regalo



5 anja di garantia  
riba e motor


Modelo 326 CH-R

- \* Baki pa berdura espacioso
- \* Seradura magnetico
- \* 2 rekk! halto den e porta  
pa pone botter.
- \* 2 rekk! pa webo.

10 cb.ft. (283 liter)

Cash solamente  
**Fls. 495,-**

Servicio di 53 pida  
di regalo.



Modelo 727

- \* Seradura magnetico.
- \* 2 baki di porcelana pa  
berdura.
- \* 12.3 cb.ft. (340 liter)

5 anja di garantia riba e  
motor.

Cash solamente  
**Fls. 560,-**

Servicio di 53 pida di regalo

● **EXPERIENCIA:**..... 51 anja  
di experiencia di Kelvinator ta  
garantiza calidad.


● **CALIDAD:** ..... Rond di  
mundo, millones di persona ta  
encanta cu productonan Kelvinator.

● **ESTILO:**..... E estilo pre-  
cioso di productonan KELVINATOR  
ta duna bo cushina un aspecto  
moderno.

● **SERVICIO:**..... Nos 30 anja  
di experiencia y 51 anja di exis-  
tencia di KELVINATOR ta sigura-  
bo un servicio excelente.

● **GARANTIA:**..... Tur e pieza-  
nan di Kelvinator ta asina bon  
construi, cu cada un ta garantiza  
riba su mes.

**Kelvinator**



**STOOF  
DI GAS**

Model E 12104

E modelo nobo  
aki ta ofrecebo.

- \* 4 Candela
- \* Fornu espacioso

Cash solamente

**Fls. 180,-**

Servicio di plastico di regalo.

**Kelvinator**


**wringer  
wasmachien**

Model 140  
Model 1966

Cash Solamente

**Fls. 324,-**

Heroe di strika  
10 paki Fab  
Tabla di strika di regalo.



**TAMBE OBTENIBEL CU HOPI  
FACILIDAD DI PAGO!!**

**PALAIS ROYAL ARUBA N.V.**

## CAMPEONATO SPANJO

Continuacion di pag. 6

E dos otronan a ser marca pa Ansola y Giron.

Na San Mames, encuentro cu a ser hunga cu hopi hungador suplente hungadornan cu nervio y cu velocidad di ambos banda cu situacionnandi peliger dilanti e dos golnan.

Den e segundo periodo y a consecuencia di un gol cu a wordu anula pa Zaragoza y wega a bira un poco mas brutu y e hungador nan Santamaria y Santos a ser expulsa pa parti di Zaragoza y di parti di Bilbao nan a expulsa Arieta.

Na Rosaleda a pesar di su mayor dominio terrenal Malaga a ser derrota pa Elche gracias na un solitario gol cu a ser marca pa Curro na di 75 minuut di wega Elche, den cual a destaca Pazos a hunga den defensa, neutralisando e ataquenan di e delantero-

nan local cu tabatin un berdadero peliger.

Na Luis Sitjar Mallorca cu a hunga for di cuminsamento cu dias hungador pa expulsion di e argentino Hector Nuñez a lucha hopi duro y cu masha brio adhudicando e victoria contra Cordoba cu score di dos-uno.

E cordobesnan a hunga bon mei-mei di terreno pero tabata musta insegur den remate. E brasileño Duca y Rovira a marca den e prome periodo e golnan di e localnan. Pa Cordoba a marca Martines den e segundo periodo.

Las Palmas a gana Sevilla cu e minimo score di uno-cero den un wega di anochi.

Pegaso a marca e unico gol di e wega despues di 46 minuut. Despues di e resultado aki Las Palmas a subi na ocho punto y Sevilla a keda na cinco.

## AGENTENAN BRITANICO A HANJA CADAVER CU A DESAPARECE ANJA PASA

GREENFIELD--UPI-- Awe mas di un centenar di polis tabata explora un di e zonanan pantanoso mas desolá i siniestra di Gran Bretaña, den e creencia di cu eyan por tin numerosa victima di un multiple asesinato.

Diasabra anochi, cu ayuda di linterna, agentenan a hanja cadaver di un mucha muher di 10 aña di edad, cu a desaparece for di un dia despues di pascu di aña pasa.

Un polis a bisa cu probablemente nan lo hanja mas cadaver akipo-co dia mas. "E informacion cu nos tin ta pone nos pensa asina e la agrega.

E busqueda a cuminsa siman pasaba riba algun terreno desierto cubri cu niebla.

Polis a conta cu aviso espontaneo di un individuo cu a scucha un homber pa casualidad cu tabata bisa cu el a comete crimenan. E agentenan policial a examina e archi vonan correspondiente na ocho persona cu a de-

saparece misteriosamente den e zona di Manchester den curso di tres aña, entre cual tin cinco mucha. Ora e trabau tabata parce sin exito caba, diasabra atardi, nan a hanja tumba di e colegiala chikitu Lesley Downey, na Greenfield, na 32 kilometer di Manchester.

Lesley a desaparece 10 luna pasaba, ora cu ela sali su cas pa bai un feria, i tabata un di cinco muchanan cu polis tabatin riba nan lista.

Como parti di e investigacion, e expertonan di polis siman pasaba a penetra den un cas deshabitá di Manchester, pero no a ser revelá loke nan a hanja eyan.

Polis a manifesta cu un a bisa cu dos aña pasaba ela mira un homber ta coba riba e terreno. Dos polis ta custodia for di ayer nochi e lugar na unda nan a hanja restonan di Lesley, mientras nan ta sperando jegada di equipo mecanico pa remove e terreno.



NEW YORK -- E heroe di Los Angeles Dodgers - pitcher Sandy Koufax ta ricibi e premio di Sports Magazine -- "Un Corvette". El a gana esaki tambe na 1963, y a bira e unico hungador di beisbol cu ta gana e premio dos blaha.

## Rusia a manda gran cantidad di oro Europa Occidental

Pa: K.C. Thaler. LONDRES--UPI--Rusia a reanuda su envio di gran cantidadnan di oro Europa Occidental cual monto total lo subi na 100 million dollar den e proximo siman nan.

Ventanan di oro sovietico ta pa yuda e nacion na financia su compranan di trigo grandi di oeste, causa pa otro anja di cosecha malu. Argentina ta figura entre e paisnan for di unda Rusia lo hanja cereal.

E calculonan autoriza ta señala cu Moscu por mira obliga di ben de oro pa un total equivalente na 450,000,000 dollar den e epoca aki, pa por enfrenta sune-cidad agricola.

Rusia tin mester tambe mas equipo industrial di occidente pa e reorganizacion progresiva di su industria nacional.

Luna pasa Rusia a bende na Europa solamente oro na un balor di mas o menos 100,000,000 dollar.

E ventanan nobo lo ta pe e mesun cantidad, pa loke e total lo subi na mas di 200,000,000 dollar pa fin di luna venidero.

Un embarque di oro grandi a ser transporta pavia aerea pa Paris e siman anterior y den e proximo dianan lo tin yegadanan nobo.

Gran parti di oro lo ser bende na Londres a traves di un rupo autorisa. Nan ta spera cu esaki lo yuda parcialmente na hisa e reservanan di oro reduci di Gran Bretaña. Nan ta spera cu un serie di venta di oro nobo sovietico promer cu fin di anja y un otro se-

rie final na cuminsamentu di 1966. Aparentemente Rusia tin suficiente reserva di oro aunque e cifranan di nan, mes cos cu produccion nacional di oro, ta constitui un secreto celosamente warda.

Noticianan reciente afirma cu gobierno sovietico tabata accelera produccion di oro y cu nan a habri minanan nobo pa tapa e demanda creciente.

Algun experto ta señala cu Rusia mester adqueri na Occidente, ademias di trigo, equiponan indus-

trial y cu e pago lo ser hasi parcialmente na oro pasobra e reservanan sovietico di libra esterlina, y di otro divisanan occidental tabata abao.

E demanda di maquinaria industrial, incluso un planta, tin mester na razon di e deseo di Krem-

lin di modernisa y amplia e industria nacional of por lo menos algun sector di dje.

Pero e necesidad mas urgente y inmediato ta aspecto agricola, den cual, cu motibu di e resultadonan di e cosecha reciente, Moscu lo mester importa mas di 10,000,000 ton di trigo for di Occidente, principalmente di Canada aunque el lo cumpra na Argentina, Australia, Nueva Zelanda y Francia tambe.

China Comunista tambe ta interesa den trigo di Occidente, a pesar di e mehoria cu el a registra den su cosecha.

Conjuntamente, e compranan di trigo di e comunistanan na Oeste lo subi segun ta ser spera na mas o menos 17,000,000 ton. Rusia y China Comunista, sin embargo, ta descarta mercado di Merca pa razonnan politico obvio.



RIO DE JANEIRO -- Isao Inokuma ta duna e argentino Alfonso Perez un sacada durante nan pelea den e categoria tur peso di e campeonato mundial di Judo na Rio de Janeiro. Radiophoto UPI.



Het Bestuurscollege van het eilandgebied Aruba maakt bekend dat op 10 november 1965 des voormiddags om 10 uur

### OPENBARE AANBESTEDING

wordt gehouden op het kantoor van het Hoofd van het Water- en Energiebedrijf te Balashi voor de levering en installatie van een aantal:

LUCHTKOELERS VOOR HET LABORATORIUM TE ARUBA Bestek en voorwaarden zijn op het kantoor in de Watertoren te Oranjestad verkrijgbaar.



# REY DE COPAS



E RON TAN CONOCI Y GUSTA TA REGALA PA DIA 18 DECEMBER 1965

## ATROBE F. 5000.-

Como cu e ultimo concurso di Rey de Copas manera custumber a resulta un exito asina grandi nos kier complace nos consumidornan un biaha mas cu e "Cinco Rumannan" den nos vitrina.

SIMPLEMENTE DUNA NAN UN BUNITUNITA NOMBER Y

### GANA PREMIOS!!

SEMPER E FAVORITO

## RON REY DE COPAS

EL REY DEL TRAGO

REGLANAN PA PARTICIPA DEN E CONCURSO:

- 1) Entrega 1 botter bashi di Rey de Copas di  $\frac{1}{2}$  gallon of 2 botter bashi di Ron Rey de Copas di  $\frac{3}{4}$  liter of 4 botter bashi di Ron Rey de Copas di  $\frac{24}{2}$  of 8 botter bashi di Ron Rey de Copas di  $\frac{48}{4}$  na Aruba Distilling Co., Wilhelminastraat No. 47 y bo ta hanja un formulario pa yena bo nomber y direccion y e nombernan pa e "Cinco Rumannan".
- 2) Entregá e formulario aki yena na oficina di Aruba Distilling Co., Wilhelminastraat No. 47 y percura pa bo recibo, cu ta pega na e mes formulario, ricibi su stempel di entrega.
- 3) Warda dia 18 di december 1965 y cobra bo placa si e nombernan cu bo a duna ta e nombernan favoreci.
- 4) E mes persona por yena cuantun formulario cu e ta desea, contal cu e entregá pa cada formulario e cantidad di botter bashi requerido.
- 5) Si tin mas cu un beneficiado, e premio ta ser parti den esnan cu tin e nombernan escogi.
- 6) Exigi pa bo recibo tin un stempel di Aruba Distilling Co.

E PREMIONAN TA WORDE REPARTI SEGUN E CANTIDAD DI PERSONAN CU TIN E MES NOMBER PA CADA POPCHI CUA WORDE FAVORECI

**BEBE E SABROSISIMO  
RON REY DE COPAS  
Y BIRA ALEGRE Y RICO  
NA E MESUN TEMPUS.....**

**NOTA**  
Directiva di Aruba Distilling Co. ta e unico responsable pa scogemento di e nombernan. E nombernan aki lo no ser coge pa

suerte y si e nomber aki ta igual na cualkier nomber cu surgi pa algun acontecimiento esaki ta debi na pura casualidad.



## ARUBA DISTILLING CO

WILHELMINAstraat 47

TELEFOON 1266



# PAGINA DEPORTIVO



## OTRO EMPATE A SER REGISTRADEN WEGA ARUBA-CORSOW



Riba e foto aki nos por mira despues cu Lito Rozal, e fenomeno di e oncena curazolenjo a derrota portero Puppy Diaz di Aruba pa e gol di e empate di e encuentro. Diaz a hanja chens di sali riba e bala, pero despues cu esaki a ser coloca den net.



E otro foto aki ta muestra portero arubano Puppy Diaz un blaha mas na suela y atrobe riba un di e tirunan di e hoben Lito Rozal. Semper e linksbuiten chikitu di Corsow a resulta un peliger pa e defensanan di Aruba.

**WILLEMSTAD** -- Un partido masha pover a ser ofrece pa e dos equiponan nacional di Aruba y Corsow. E hungadornan cu tabatin tur cos den nan tabata e defensanan di e dos oncenan. Di parti arubano tabata Juan Pablo y A. Bikker y W. Vos. Di parti curazolenjo tabata Beltrand manera custumber, Bito Bodak y Basilo. E hungador cu semper tabata un peliger pa e defensanan di Aruba a resulta Lito Rozal.

E equipo di Aruba tabata di formacion mihor cu esun di Corsow y tambe a yega na mihor wega, door cu nan tabata semper di yega nan meta usando combinacion. Di otro banda tabatin nada menos cu hungadornan cu kler a busca penetracion, individual, den cual semper nan a faya. E partido riba su mes no tabata nada interesante. Masha poco blaha tabata ataquenan peligroso riba gol di otro, aunke cu kee-

per de Lannyoy di Corsow mas tan tu blaha cu Puppy Diaz mester a interveni pa trece salbacion pa su gol.

E momentonan di mas emocion a bini den e ultimo 15 minuutnan di e periodo inicial. Den un violento ataque riba gol di Corsow, e back-principal, Augusto Beltrand, mirando cu ya el a ser vence ta cohe bala cu man, y esaki a causa cu referee Leonora a pita pa e castigo mayor Juan Pablo a tuma e ejecucion na su encargo deposita e bala den man di keeper, pero de Lannyoy cu no a spera e tiru riba dje ta cohe laga bai, y e mesun hungador ta drenta y coloca e bala den net masha facil, ya cu no a bini hungadornan rival pa evitele di tira.

No a tarda muchu cu e gol di empate ta ser registra casi di igual manera.

Lito Rozal den un tremendo rush ta pasa un hungador aunke e ta worde molestia pa esaki, pero toch aunke el a trompeka un poco el a keda den poder di e bala y a sigi hasi su avance, pero mas den e area di keeper e ta bira un sandwich di Rozal, y referee a considera cu e hu-

gada aki tabata un poco di mas y a fluit pa pena mayor.

Lito Rozal mes ta tuma e tiramentu na su encargo y ta deposita e bala den hoeki drechi sin cu portero Puppy Diaz por a reaccionar.

E wega ta sigi cu un poco mas tantu ataque pa parti di Corsow cu tabatin e biento un poco fuerte na nan fabor. Pero apesar di e apoyo aki nan no por a logra marca gol, pa motibu cu e homber mas peligroso den delantera, Lito Rozal, awor ta ser culda mas tantu pa e defensa W. Vos.

Cu e score empatá na un gol e dos equiponan ta bai tuma sosiego.

E segundo etapa ta cuminsa cu mas tantu dominio di e arubanonan aunke den e trabaoan di anotacion no ta bini cambio. Corsow ta registra diferente cambio pero ni asina no por a trece anotacion.

Cada equipo ta hanja un paar di corner den e wega, pero esel tambe tabata tur cos den e wega.

Referee Leonora no tabatin un mal actuacion, pero si el a laga demasiado wega shushi pasa.

El a ser asisti na liña pa Jossy Martis y Rudy Mozes.

## RESULTADONAN DI E WEGANAN DI CAMPEONATO SPANJO DI FUTBOL

**MADRID**,--E debilidad di Real Madrid a bira di manifesto den e septimo buelta di e campeonato di futbol di España di prome division empatando riba su propio terreno cu Español di Barcelona un equipo bastante mediocre.

No obstante e resultado cu por ser considera esun mas destaca di e dia tabata e amplia victoria di Betis equipo cu a perde su cinco prome weganen di e torneo, riba Pontevedra. Pontevedra ta ser considera como revelacion di e temporada, ora cu e tabata comparti e prome puesto di clasificacion. Betis di Sevilla cu a obtene su prome dos puntonan diadomingo ultimo a marca tres gol contra Pontevedra oncena cu a permiti solamente dos gol den e prome seis weganen. No por keda sin hasi mencion di e gran victoria di Atletico de Madrid cu score di 4-1 riba Barcelona na Nou Camp, cu huntu cu Valencia, ganador igualmente na Sabadell 1-0 ta mantene na cabes di e tabla di posiconnan cu diesun punto sigi pa Madrid cu 10, Pontevedra cu 9.

Cu e derrota aki Barcelona mes cos cu Zaragoza derrota pa Atletico Vasco 2-0 na San Mames a keda elimina di e grupo cu ta figura na e prome puesto.

Betis cu su resonante victoria riba Pontevedra a entrega e ultimo puesto na Malaga cu a ser vence 1-0 pa Elche. Na Nou Camp, completamente abarota, Atletico de Madrid hungando den contra-ataque impone pa rapidéz y mihor wega cu esun di Barcelona cu apesar di tabata domina e wega hopi no por a pe-

netra cu muchu frecuencia den e defensanan di Madrid.

E wega a resulta masha movible e interesante. Ugarte, Adelaar y Luis e ultimo aki di penalty a marca den e prome periodo pa Atletico. Mendoza a marca e cuarto gol den e etapa complementaria. E gol di Barcelona a ser registra despues di cuarenta y cinco minuut.

Na Cruz Alta, tabatin un emocionante partido entre Valencia y Sabadell cu a termina den un victoria di 1-0 pa e levantanonan, gol cu a ser marca pa e brasileño Waldo den e segundo periodo hungando cu hopi entusiasmo y corahe den filanan catalan, imponiendo un mihor clase di futbol y tambe a emplea un tactica superior.

Na Santiago Bernabeu, decepcion di e seguidornan madricista pa e empate di nan equipo contra Español.

Nan tabatin hopi dominio, pero infructuoso pa e despliegue di e hungadornan españolista cu a actuar den defensivo, pero sin nunca a descuida di e contra-ataque cu hopi blaha a hiba e peliger dilanti gol cu a ser defende pa Betancourt cu un blaha mas a pone di manifesto su excelente clase den intervencionnan excelente.

Den Estadio Villamarín Betis completamente recupera a super y vence cu tur brillantez e equipo di Pontevedra cu anotacion di tres cero.

Den un partido cu a resulta masha interesante cu superioridad di e cuadro local den cual a destaca e labor di e interior Mateos recientemente incorpora pa Betis y autor di un di e golnan.

Continuacion riba pag. 4



# HOROSCOPO

**ARIES**—mar. 21 a abril 19—Reunase con los asociados que quiere para tener buenas relaciones con ellos en el futuro y hablar sobre ideas provechosas. Obtenga la aprobación de ellos. Sepa lo que tiene que hacer que no se le opongan.

**TAURO**—abril 20 a mayo 20—Ocupese de terminar todas esas tareas que requieren la ayuda de sus compañeros de trabajo. También, cerciórese de hacer lo que sea necesario para mejorar su salud. Haga su vida más feliz y productiva.

**GEMINIS**—mayo 21 a jun. 20—Es importativo que se distraiga en algo que revele las tensiones y también prepárese para más distracción en el futuro. Extienda favores a un joven, esto puede ser muy importante en su vida.

**CANCER**—jun. 21 a jul. 22—La situación en su hogar podría ser solucionada ahora más de su agrado, de modo que coopere con un pariente. Haga lo que sea necesario.

sario. Comience un ascenso positivo.

**LEO**—jul. 23 a ago. 22—Un día bueno para comunicarse con un pariente, socio y amigo y preparar un curso más progresivo para el futuro. Sus ratos de ocio también necesitan un plan. Trate de divertirse más.

**VIRGO**—ago. 23 a sept. 22—Es necesario que piense realmente en "grande" ahora si quiere extenderse y prosperar. Comuníquese con expertos en negocios. Mejore sus propiedades y posesiones. Hágalas más valiosas.

**LIBRA**—sept. 23 a oct. 22—Usted está lleno de energía hoy y puede salir fácilmente y hacer tratos, vender, etc. Salga esta noche socialmente. Las visitas a personas allegadas serán esta noche excelentes.

**ESCORPION**—oct. 23 a nov. 21—A usted le gusta investigar y este es un día bueno para tal cosa, tanto en sus asuntos de negocios como en los personales. Otros le darán ideas magníficas. Aprovechelas inteligentemente.

**SAGITARIO**—nov. 22 a dic. 21—Ese amigo suyo tan hábil que puede hacerle frente a su franqueza le ayudará a conseguir sus deseos personales si declara cuáles son. Salga socialmente esta noche. Conozca a personas atractivas.

**CAPRICORNIO**—dic. 22 a ene 19—Hable confidencialmente con un superior y sabrá entonces cómo lograr más y mejor crédito prestigio habilidad para los negocios. Mejore sus sistemas. Haga más eficiente su trabajo diario.

**ACUARIO**—ene. 20 a feb. 18—Su avance puede venir ahora más rápidamente si se reúne con un compañero hábil que le ofrece ideas magníficas. Escuche cuidadosamente lo que sugiera.

**PISCIS**—feb. 19 a mar. 20—Use su intuición al expresarse con un superior que tiene unos modales bruscos. Reconozca cuáles son sus deseos. Arregle todos los asuntos de fuera.

## ATENCION - ATENCION

Pronto apertura de Studio nobo di Radio Antillana den Bernhardstraat na San Nicolas completamente aire acondiciona y cu aparatonan di transmision ultra moderno.

Radio Antillana 775 kc - 388 M. Aruba.

## G.B. enlace importante pa proyecto Apolo

**LONDRES**—UPI—Gran Bretaña lo ta un enlace importante pa proyecto "Apolo" di Merca, relaciona cu descenso riba luna di un astronave tripula promer cu 1970, segun a ser anuncia aki nan ayera.

E empresa di comunicacionnan "Cable And Wireless" a informa siman pasa cu el a hanja e a quiescencia di Washington riba e inicio di un programa pa instala un estacion terrestre di comunicacionnan cu e satelitenan, riba

e isla Ascension, den Atlantico del Sur.

E empresa, cu mester tin e estacion mencionada den pleno funcionamiento pa september, 1966 a realiza negociacionnan cu e Direccion Nacional di Aeronautica y Espacio (NASA) y Corporacion di satelitenan di Comunicacionnan (COMSAT) di Merca.

E estacion di e isla di Ascension lo ser comunica cu e centro di vuelonan espacial di Goddard (Maryland) y cu e estacion terrestre di Andover (Maine) pa via di un satellite similar cu "Pajaro Madrugador", aunque mas poderoso.

Cable And Wireless a anuncia tambe cu el a negosha un contrato adicional pa 1,400,000 dollar pa suministra un sistema di comunicacionnan entre un navio relaciona cu e proyecto Apolo, ubica mas o menos 1,000 milla na sudeste di Las Bermudas, y e centro espacial di Goddard.


**PRESIDENTE FANFANI A SER OPERA**

**NACIONNAN UNI**—UPI—E presidente di Asamblea General, Amintore Fanfani, a ser sometido awe na un operacion quirurgica pa drecha un lesion den un tendon di dje, cu a ser produci den un calda lo dia pasa.

Fanfani a ser opera den e centro medico presbiteriano di Columbia 8<sup>or</sup> ora local, pa nan repara quirurgicamente e ruptura di un tendon di su pia drechi.

E operacion, cu a tuma un ora, a ser realisada pa un cirujano di New York, dokter D. Ashby Grantham. Tabata presente den sala di operacion e dokter personal di Fanfani i su amigo for di hopi aña caba, profesor Sante-Ciancarelli, di Roma, cu a yega dos dia pasa pa consulta.

## BUCHI ROBES



## PEPITA



# E CONFESION STRANJO

"Ey riba si e señorita por bai sin dificultad. Erna ta masha manso y ketoe, coe un mucha chikito mes por subiele". "Por Dios Koster, den henter su bida ta cuatro blaha só mi jioe muher a jega di subi ariba un cabal". "Y toch mi por", Carla ta bisa terco. "Y si Koster tey..., y papa". "Naturalmente coe e mester sinja", e terrateniente ta bisa. "Okay ta bon", Engdahl ta bisa. "Pero waak pa bo no salí ningún blaha so ariba cabal". Carla ta sacudi su cabez contentoe y ta sigui un mucha homber chikito coe un cara jen di poeroenchi, coe ta hibeles na un cabal di un color bruin masha stranj. "E ta un cabal di raza puro", e mucha homber ta bisele. Carla ta pone un cara mescos coe hende coe tabata sabi esey caba. E mucha homber ta tene e estribo pa e subi. Carla ta trata di recorda toer loke e a sinja tocante di cabal. Ma toer cos ta bai bon. En berdad coe Erna ta e cabal mas manso coe por ta existi. E ta keda mira sutatatriunfante.

"Poco, poco Carla, e ta bolbe bisa, y corda keda pegá coe nos. E ora e tres jinetenan ta salí bai. Toer cos ta bai asina bon, coe Carla ta pensa coe e no a haci otro cos mas den su bida coe corre cabal. E no tabatin nodo di sinja, e tabatin talento pa esey. Den un pose natural y completamente sigur e tabata corre mei-meidi su tata ye terrateniente. E mes tabata pone e bestia para ora e otronan para y e tabata scucha coe atencion splikacion di e terrateniente. Awor numa e ta cuminsa compronde ki probecho e tin di bida di campo, y e ta sinti di ripiente un gradicimento inmenso pa su abuelo, coe su wowonan ta jena coe lagrimas. Herbert Engdahl coe den su mes ta asina orgulloso di mira con bon su jioe muher ta manehá su cabal, coe pronto e ta lubida di tira bista pé. Y ademas ora pa ora su entusiasmo ta bira mas grandi, cada vez coe e welta pida di e terreno coe antes tabata su hogar. "Mira aki", Koster ta bisa na birada di e

caminda, ey na banda drechi tin diferente stakanan pintá corá coe streple blanco. "Kiko mi a bisabo. Un ora largo bopor corre waak blo stakanan, y ademas anochi nan ta luminoso tambe". Engdahl ta pensa ariba toer e procesonan coe e abogado a contele di nan. "Increíble" e ta murmura. "Bo ta costumbrá coe nan", e terrateniente ta bisa. "Increíble e ta sigur". E ta muntra den direccion di un campo jen di arbustos, y Carla ta tende e dos hombernan bisa algo coe e no por comprendé. Despues e ta miranan baha for di nan cabal y ta bai den direccion di e arbustotonan. Nan ta registranan na un manera misterioso. Carla keda sinta, e arbustotonan no ta interesele ni un tiki. Sin gana e ta keda mira Erna coe ta comiendo jerba. Na e momento ey e costa sosodé. Un coneuw shintishi ta core sali for di den e matanan, e ta keda pará un seconde dilanti di e patanan di e cabal manera coe ta spantá e ta, y despues ta sigi corre. Carla ta sinti coe e cabal

ta tembla. Di ripiente e ta manda su cabez patras y casi e tatumba Carla for di su lomba. Despues e ta bati coe su patanan y ta rancar e ta carreda bai. Despues di su promer susto, Carla ta ripara coe e tin e silla duro tenf. E ta kere coe ta pa instincto e a haciele, pasobra awor e ta nota coe e a perde e estribonan y coe e riendanan ta colgá slap cada banda di e cabal. E ta dal un grito, y toer loke e ta mira ta ponele soda frieuw. Matanan ta pasele mescos coe un trein y biento ta ranka su cabal. E ta pensa solamente ariba e fin. E no sabi ta unda e cabal ta hibeles, pero loke si e ta realisá, ta coe e ta corre un peligro masha grandi. Na cualkier momento e cabal por hisele benta y e por cai kibra un brazo of pia, of loke ta peor ainda e por keda morto mesora. Den su desesperacion e ta tratadi drech waak atras, pa mira si su tata ta sigi guiele pa bin duné auxilio, pero e ta perde balanza y ta coi e silla tene mas duro ainda. Ay mi Dios, esaki ta fin, e ta pensa

coe wowonan cerrá. Ora coe e habrian su curazon tadal parra. E cabal ta corre den direccion di un mondi cerrá di mata di pinos. Carla ta mira horrorizá con pegá e palonan ta coe otro. E ta pensa intensamente. Lo e haciele? Lo e laga su curpa cai? Podiser asina lo e tin un chens di scapa ainda. Si pa un milagro e bestia no dal para, lo ta sigur coe ta su morto e ta enfrentá. "Tene duro", un hende ta gritele di ripiente. Y Carla ta tene silla mas duro ainda. E ta trata di waak ta cua ta e otro cabal coe ta coriendo banda di djé. E ta un cabal pretoe coe un homber ariba su lomba. Coe masha dificultad e ta habri su wowonan. Pero esey ta..., esey ta..., Pero eno tin tempoe pa pensa mas. Yen di un inmensa alegría e ta mira con e jinete ta pasele. Y di ripiente e ta comprendé ta kiko ta su intencion. E kier obligá e cabal di para. Mescos coe den cine, Carla ta pensa.

E ta sigui.



**MAXWELL HOUSE**

Agente exclusivo di

**FRIESCHE VLAG**

lechi evaporado y lechi en polvo

**MAXWELL HOUSE KOFFIE.**

pa cortesia di:

**JAN BODEGOM & CO (ARUBA) N.V.**





**DICK TRACY**

presenta pa cortesia di:

**VICTORIA BOTTLING COMPANY**

**PEPSI-COLA --- SEVEN UP --- GRAPETTE-KIST --- VICTORIA SODA WATER---  
BUFFALO ROCK--- GINGER ALE**



**ELSCO KID**

pa cortesia di:

**ARUBA BOTTLING COMPANY**

**NESBITTS den varios sabor, e refrescan mas pidi y mas gusta na Aruba.**



# FANTASMA DI RASPUTIN A SER ENVOCA DEN CORTE SUPREMA

Pa Frederick M. Winship  
**NEW YORK --** E fantasma di Rasputin a ser evoca awe den corte suprema estatal, na unda un dama a declara como testigo cu e relacionnan cu nan ta bisa cu ela sostiene cu e "monjo loco" ta infunda.

E declarante tabata princesa Irina Romanoff Yousoupoff, di 70 años, sobrina di Zar Nicolas II, yiu di e gran duque Alejandro Mijailovich y gran duquesa Xenia. Den su palacio di San Petersburg na año 1916 na Rasputin, asesina pa esposo di e testigo, principe Felix Yousoupoff.

E principe, di 70 años di edad, a promove e huicio y ta demanda e red di television Columbia Broadcasting System (CBS) pa 1,500,000 dollar, pasobra ela exhibi na 1963 un película, "Rasputin, el monjo loco", cual e ta considera como intromision den su vida priva, hasi sin su consentimiento y parcialmente inexacta.

litica di e corte, na mes tempu cu e tabata inventa ceremonianan religiosa cu tabata implica seducción di varios hende muher, entre nan, integrantenan di corte.

Yousoupoff ta queja específicamente, den e demanda, cu e cinta ta expone falsamente cu e uso di su esposa pa algun luna pa trece e monje su cas, e palacio di Moika.

Pa su parti CBS ta bisa cu e asesinato di Rasputin ta asunto historico, y por lo tanto, di dominio publico pa tratamentu literario. E ta señala cu Yousoupoff, e gran duque Demetrio y otro dos conspirador a declara nan mes homicida di Rasputin cincuenta años pa y cu e principe mes a scirbi un buki riba e suceso.

E princesa, cu a bisa di no a conoce Rasputin personalmente, a gana na 1964 un demanda pa 125,000 dollar na e firma cinematografica Metro-Goldwyn-Mayer a causa di un película cu ta sugeri cu e tabatin amorios cu Rasputin.

Yousoupoff a manifesta d'adu na Rasputin bña y pan cu claustrero suficiente pa mata diez persona, pero cu e no a hasiele

daño. E ora ey nan a tira varios bez riba dje, ela cai herida, pero e no a muri. Por ultimo e principe a batie cu palumata y a tira e cadaver den Rio Neva.

E zarina a manda nan saque y a derrén den palacio di campo di e familia real, caminda e tumba a keda te na revolucion bolchevique. E Yousoupoff nan a hui bai Francia.

## RADIO ANTILIANA

5.30 Apertura y Oracion  
5.35 Mantanita Arubanas  
5.45 Melodias di Wild West  
6.10 News in English  
6.30 Noticia na Papiamentu  
7.00 News in English  
7.30 Noticia na Papiamentu  
7.45 Programa di Jule Nieuw  
8.00 Espacio pa un Ritmo Criollo y un poesia  
8.10 Variedad Musical  
8.30 Musica y consejo dedica na tur nos amigonan automobilista  
9.00 Noticia na Papiamentu  
9.15 Musica Norte-Americano  
9.30 Mejico cantando via Radio Antillana  
10.00 Intermedio Musical  
10.10 Noticia na Ingles  
10.20 Programa di La Macorri-sana & International Super-

markets  
10.40 Momento di Ritmo  
11.00 Tur dia otro programma  
11.00 Musica Colombiana  
11.15 Voznan Popular  
12.00 Oracion di merita  
12.03 Seccion Informativo  
12.20 Noticia na Papiamentu  
12.30 News in English  
12.45 Capsulas En Orbitas alrededor di Mundo Deportivo  
1.00 Noticia na Papiamentu  
1.20 Fiesta Calypso  
3.00 Musica Norte-Americano  
4.00 La Esperanza y su Obsequio Musical  
4.30 Variedad Musical en Complicencias  
5.00 Noticia na Papiamentu  
5.30 Calypso Rama - Budweizer  
5.45 Musica Chevere  
6.00 Variedad Musical  
6.15 Musica Colombiana  
6.30 Noticia na Papiamentu  
6.45 Variedad Musical  
7.00 Felicitaciones y Complaciendo eticiones  
7.45 Programa di Jule Nieuw  
8.00 Programa di Club Bonairano - Club Surnam  
8.15 Continuacion di Fel. y Cumpl. Peticiones  
8.30 Reddy Kilowatt  
9.00 Desfile di Exitos  
10.00 Antioranzas  
10.30 Impactonan Musical  
11.00 Melodia y Romance Musical  
12.00 Clausura  
**RADIO VICTORIA**  
..M.  
6.00 Apertura & Musica di Banda  
6.15 E Bijbel Habri  
6.30 Ultimas Noticias  
6.45 Peticiones

**POR CUMPRAR ARUBAANSE COURANT NA E SIGUIENTE LUGARNAN:**

**NA ORANJESTAD:**  
BOEKHANDEL MARISKA,  
PIET SODA FOUNTAIN,  
REFRESQUERIA INGRID

**NA SAN NICOLAS**  
NICOLAAS STORE  
UNION STORE.

7.00 La Biblia Abierta  
7.15 Noticias Español  
7.25 Llamada a la Conciencia  
7.30 World News  
7.45 Christian Emphasis  
7.50 Bo Musica Favorito  
8.15 El Camino de Victoria  
Joyas del Hogar  
8.30 Ultimas Noticias  
8.45 El Pan de Vida  
9.00 Mundo Femenino  
Gymnasia  
Joyas del Hogar  
Canta Leo  
9.15 El Sendero de Vida  
Canticanan di Evangelio  
Corazon a Corazon  
9.30 Morning Melodies  
10.00 The Bible For You  
10.05 Band Music  
10.15 Organ Melodies  
Thoughts on Home  
Sacred Songs  
Gospel Bells  
Sacred Classics  
10.30 Through the Bible  
Songs That Touch  
The Heart  
11.00 Chapel of the Air  
11.15 Delicados Pastos  
Canticanan di Evangelio  
11.30 Melodias di Merdia  
12.00 Ultimas Noticias  
12.15 Musica Sagrada y Meditacion  
Sacred Music & Call of Calvary  
12.30 World News  
12.45 Quiet Time  
1.00 Radio Concert Hall  
2.00 Reading Room  
Hour of Decision (repeat)  
2.15 Quiet Hour  
2.30 Dr. Barnhouse and the Bible  
Bible Study Hour  
3.00 Ensueños Musicales  
3.30 La Hora Bautista  
Control Central  
Bo Pregunta Contesta  
Prosa Y Poesias  
Vida Nueva  
Titanes de Fe  
3.45 Academia Cristiana  
Melodias del Alma  
4.00 Musica di Banda  
4.15 Ultimas Noticias  
4.30 Listening Post  
Fun With Music  
4.45 Sailor Sam  
Muchanan pa Cristo  
Children's Gospel Hour  
Fun With Music  
-Music BOX  
Hobentud Pa Cristo  
5.00 Vertel Uurtje  
Canta Leo  
E Ora Aventuroso  
Melodias del Alma  
Informacion di Gobierno  
5.15 Palabranan di Bida  
5.30 Ecos del Cielo  
La Voz del Evangelio  
5.45 Musica Sagrada  
6.00 Nederlands Nieuws  
6.15 De Groene Welde  
Christelijke Liederen  
Christus tot de Volkeren  
der Aarde Gebracht (herhaling)  
Voor Zijn Glorie  
Windows on Holland  
6.30 World News  
6.45 Lago Hour  
Baptist Hour  
Miracles  
Musical Interlude  
Haven of Rest  
Issues in the News  
7.00 Organ Hymns that Live  
Sacred Songs  
7.15 Off the Record  
7.30 Miracles and Melodies  
Bible Time  
Light and Life Hour  
Haven of Rest  
Unshackled  
Showers of Blessing  
7.45 Psychology for Living  
Look Up and Beyond  
8.00 Musical Gems  
8.30 Back tot the Bible  
9.00 Klassieke Muziek  
9.15 Dagsluiting  
10.00 Sign Off